

Na osnovu člana 32. Zakona o prebivalištu i boravištu dr`avljana Bosne i Hercegovine ("Slu`beni glasnik BiH", broj 32/01), Ministarstvo civilnih poslova i komunikacija Bosne i Hercegovine donosi

## **PRAVILNIK**

### **O VRŠENJU NADZORA NAD PROVOĐENJEM ZAKONA O PREBIVALIŠTU I BORAVIŠTU DR`AVLJANA BOSNE I HERCEGOVINE**

Član 1.

Ovim pravilnikom propisuje se način vršenja nadzora nad provođenjem Zakona o prebivalištu i boravištu dr`avljana Bosne i Hercegovine (u daljem tekstu: Zakon).

Član 2.

Nadzor nad provođenjem Zakona vrši Ministarstvo civilnih poslova i komunikacija Bosne i Hercegovine (u daljem tekstu: MCPK BiH), Ministarstvo unutrašnjih poslova Republike Srpske i ministarstva unutrašnjih poslova kantona u Federaciji Bosne i Hercegovine i nadležni organ Brčko Distrikta Bosne i Hercegovine, na način utvrđen ovim pravilnikom.

Član 3.

Nadzor iz člana 2. ovog pravilnika vrši lice koje pismeno ovlasti ministar civilnih poslova i komunikacija Bosne i Hercegovine.

Nadzor u okviru nadležnosti organa u entitetima odnosno kantonima vrši lice ministarstva unutrašnjih poslova koje pismeno ovlasti rukovodilac koji rukovodi nadležnim Ministarstvom.

Nadzor u okviru nadležnosti organa Brčko Distrikta Bosne i Hercegovine vrši lice koje pismeno ovlasti rukovodilac koj rukovodi tim organom.

Član 4.

Lice iz člana 3. stav 1. ovog pravilnika nadzor vrši tako što kontroliše zakonitost upravnih akata i radnji odnosno primjenu Zakona i podzakonskih akata i s tim u vezi predlaže MCPK-a BiH da u okviru svojih nadležnosti ovo ministarstvo pokrene postupak ocjene zakonitosti upravnih akata, donese odgovarajuća uputstva i instrukcije, i naloži preduzimanje određenih mjera i radnji radi uklanjanja uočenih nedostataka.

Član 5.

Lica iz člana 3. st. 2. i 3. ovog pravilnika vrše nadzor i kontrolu rada nadležnih organa iz člana 5. Zakona o prebivalištu i boravištu dr`avljana BiH i podzakonskih akata iz ove oblasti.

Član 6.

Ovlaštena lica iz člana 3. Pravilnika zapisnik o izvršenom nadzoru, dostavljaju rukovodiocu organa kod kojeg je nadzor izvršen.

Ovlaštena lica iz prethodnog stava primjerak zapisnika sa predloženim mjerama dostavljaju rukovodiocima organa iz člana 2. Pravilnika radi upoznavanja sa zatečenim stanjem u cilju preduzimanja određenih mjera.

Član 7.

Ovaj pravilnik stupa na snagu danom objavljivanja u "Slu`benom glasniku BiH".

Ovaj pravilnik je se objaviti i u slu`benim glasilima entiteta i Br~ko Distrikta BiH.

---

Broj 01/1-1296/02  
2. decembra 2002. godine  
Sarajevo

---

Ministar  
**Svetozar Mihajlovi}**, s. r.